

{ وَعَجَلْتُ إِلَيْكَ رَبِّ لِتَرْضَى } .. (الحلقة) 01) ..

#الطريق_للجنة .. د . حازم شومان

حازم شومان

السلام عليكم ورحمة الله وبركاته. يا ربّي لك الحمد كما ينبغي لجلال وجهك وعظيم سلطانك. يا ربّي لك الحمد حمدا كثيرا طيبا مباركا فيه غير مكفي ولا مكفور ولا مودع ولا مستغن عنه ربنا. يا ربّي لك الحمد حمدا - 00:00:00

السموات وملئ الارض وملء ما بينهما وملء ما شئت يا ربنا من شيء بعد. اهل الثناء والمجد احق قال العبد وكلنا لك عبد وصلاة وسلاما على سيد الخلق اجمعين. سيدنا محمد عليه افضل الصلوات من رب العالمين الى - 00:00:23

الى يوم الدين كان بين الناس رجلا وكان بين الرجال بطلا. وكان بين الابطال مثلا. فعليه افضل الصلوات من رب العالمين الى يوم الدين ثم اما بعد. فالايام دي يا جماعة ايام امتحانات. كل البيوت في حالة طوارئ. حالة طوارئ والاعصاب مشدودة. والنهارده السانوية العامة بدأت. يعني - 00:00:43

في مصر كلها في حالة طوارئ ربنا ينجح كل طالب يا رب. ولكن قبل ما نخاف من امتحانات الدنيا وقبل ما نفتكر امتحانات الدنيا لازم نفتكر امتحانات الاخرة لازم نفتكر خمس امتحانات. كل واحد منّا اللي قاعد قدام الوقت طالب واللي ما هوش طالب. اللي اتعلم واللي ما اتعلمش. اللي دخل امتحان دنيا واللي ما دخلش - 00:01:03

يدخل خمس امتحانات في الاخرة. الامتحان الاول امتحان فور الموت في القبر وهو امتحان من ربك؟ ما دينك؟ من نبيك؟ ده امتحان في ايه؟ ده امتحان في العقيدة. اول حاجة هتتاسب عليها اول ما الواحد يموت عقيدتك. يقينك ده الواحد يا جماعة لو ناييم على سريريه في اوضته والباب مقفول عليه - 00:01:23

والدنيا ضلّمت قفل النور. وفجأة لما نام اتنين طلّعوا له قالوا له من ربك؟ وما دينك؟ ممكن ما يعرفش يجاوب. فما بالك في القبر يبقى ده امتحان في العقيدة في اليقين - 00:01:43

عشان من الوقت تهتم بحال قلبك. يقين قلبك بالدين اللي انت عليه. يقين قلبك بالاله اللي انت بتعبده. يقين قلبك بالرسول اللي انت بتتبعه طب الامتحان الثاني الامتحانات دي فيها امتحانات عملي وشفوي وتحرير زي الدنيا. الامتحان الثاني امتحان الصراط - 00:01:53

امتحان عملي بحت. عارفين اللي احنا كنا بنعمله في الدنيا تطبيق عملي بحت بالزبط هيحصل عليها على الصراط. سمعت درس عن التوبة؟ سمعت بيقول لك تب الى الله استجب لله على قد سرعة استجابتك للتوبة على قد سرعتك على الصراط. طب اللي كان بيقوم ويقع ويقوم ويقع على الصراط ويقوم ويقع. شف رسول - 00:02:13

رسول الله صلى الله عليه وسلم بيصف اخر واحد عدى على الصراط. الاخير الاخير في قائمة اهل الجنة. اخر واحدة بيقول ايه؟ فيمشي مرة ويكبو مرة وتسفّعه النار مرة. ياه! ده ده لغاية امتى ده الصراط ده كيلو متر ولا اتنين كيلو ولا طول - 00:02:33

المحيط الاطلنطي ولا طول محيط الكرة الارضية. ده الصراط على جهنم يا جماعة. ما بالك انه هياخد المسافة دي لغاية ما يمر. يسحب سحباً في الآخر. يتجرجر من على الصراط - 00:02:53

الراجل ده لما بيعدي في الآخر بيقول ايه؟ انا عايزك تركّز في الكلمة اللي بيقولها. فاذا عبر قال الحمد لله الذي اعطاني ما لم يعطي احدا من العالمين. يعني ايه؟ يعني طالب راح يشوف النتيجة ببص لقي مكتوب جنبه ناجح. قال الحمد لله الذي اعطاني ما لم يعط

احدا من الطلبة. يبقى معناه ما شفش حد - 00:03:03

الراجل ده لو كان شاف واحد بس عدى قدامه او واحد من اللي وراه عدى ما كانش قال الكلمة دي. طب ايه اللي يخلينا نرجع لورا ؟

عايزين نطلع قدام. عايزين نبقى في مقدمة - 00:03:23

عايزين نبقى من الصادقين. درس النهاردة هدفه ان احنا نبقى من الصادقين ما نرجعش ورا يا جماعة. ما نقربش من الناس دي خالص. نخلينا قدام بازن الله الامتحان التالت انا عايزك تركز معي. دي امتحانات انا عايزك تجيب كده كفتين ميزان وتكتب كل

امتحانات الدنيا ومشاكل الدنيا وتكتب الخمس امتحانات دول. وتشوف ايه - 00:03:33

وايه اللي المفروض قلبك يخاف منه اكثر؟ الامتحان التالت امتحان تحريري. الميزان. انت الوقتي في الدنيا ملكين بيكتبوا عليك كل كلمة وكل كل همسة وكل حرف وكل ساكنة وكل حركة. الوقتي في ورق بقى ورق الاجابة بتاعتك. اللي انت جاوبت فيه على كل اللي

مر عليك في الدنيا - 00:03:53

الصحيفتين بتوع ملك اليمين والشمال. الصحف دي كلها هتيجي يوم القيامة على الميزان. الاجابة الصح الصلاة اللي في الجامع. الصلاة اللي بخشوع غص البصر. السعي على حوائج الارامل والمساكين. الدعوة الى الله. جلسات الضحى. كل الايجارات الصح تتحط

في كفة. وكل الاجابات الغلط - 00:04:13

البصر الالفاز السيئة الغيبة النميمة كل الاجابات الغلط تتحط في الكفة الثانية. ويتشاف بقى الاجابات الصح ولا الاجابات الغلط.

تصحیح بقت اجابتك كلمة كلمة على الميزان. ده الامتحان التالت. الامتحان الرابع بقى وده اخطر امتحان فيهم يا جماعة. امتحان

مش داخل لدكتور شفوي - 00:04:33

تعرض على الله. فلان ابن فلان. هتقول له ايه ؟ انا الكلمة اللي انا عايزك تفتكرها لما باكلمك عن امتحان العرض على الله كلمة هتقول

له ايه ؟ هتقول ايه ؟ لو تخيل شف ربنا بيقول لك ايه وان الى ربك المنتهى. امش يا ابن ادم في اي طريق. امشي في اي طريق يا

اختي. امشي في اي طريق يا حبيبي - 00:04:53

امش في طريق الطاعة. طريق المعصية. طريق المخدرات. طريق الدعوة. امشي في اي طريق. كل طريق اخره لقاء الله سبحانه

وتعالى وان الى ربك المنتهى. فلو مشيت في طريق معصية وقبلت ربنا سبحانه وتعالى في هذا الطريق. هتقول له ايه ؟ هتقول له

ايه ؟ هتقول - 00:05:13

لما يقول لك انت مشيت في الطريق ده ليه ؟ والذين يؤتون ما اتوا وقلوبهم وجلة انهم الى ربهم راجعون. الوجل ده يا جماعة ده احساس الطالب ليلة الامتحان وهو بيزاكر مش بيلعب وهو بيزاكر وخايف. طب لما تتحط ورقة الاسئلة قدامي قلبي هجاوب ولا مش

هجاوب ؟ قلبه قعد يضطرب - 00:05:33

كل ما يفتكر هذا الخاطر ساعة ما تدخل تعرض على الله هتقول له ايه ؟ هتقول له ايه لو سألك عن زنب زنب عملته ؟ هتقول له ايه لو

سألك عن نعمة نعمة ادها لك وعصيته بها. هتقول - 00:05:53

ايه لله سبحانه وتعالى رب العالمين. فتخيل ده امتحان. الامتحان الخامس بقى نرجع للقبر تاني بعد سؤال الملكين ثلاث اسئلة امتحان

تسأل فيه عن كل الاعمال اللي انت عملتها. يبقى خمس امتحانات هنقول له ايه فيها ؟ خمس امتحانات هنعمل ايه فيها ؟ دي خمس

امتحانات يا جماعة. حبيت ان انا بس في اول - 00:06:03

هذه الحلقة اذكر بها عشان لما امتحانات الدنيا تشد قلوبنا قوي لأ نفرمل ونفتكر ان امتحانات الاخرة اخطر وبرضو نرجع نقول يا رب

ينجح كل طالب يا رب. يا رب ينجح كل طالب ويرزقه التفوق في الدين والدنيا يا رب. يا رب - 00:06:23

وعجلت اليك ربي لترضى. درس النهاردة. درس النهاردة الشعار بتاعنا فيه نور عظيم. نور عظيم مكتوب فيه بالنور. وعجلت اليك ربي

لترضى انا باكلم مين النهاردة ؟ انا باكلم كل طالب بيمتحن الوقتي وهيخلص امتحاناته قريب. باقول له يا حبيب قلبي اول ما تخلص

تخرج من لجنة امتحان ما تكلمش حد. ما تسلمش - 00:06:39

على حد. تجري على الجامع وقلبك بيهتف وعجلت اليك ربي لترضى. انا بكلم كل بنت دلوقتى قاعدة قدامي في سانونية عامة او في

الجامعة الامتحانات هتخلص. اول ما تخلص امتحاناتك تجري على ربنا وعجلت اليك ربي لترضى دي الكلمة اللي كلنا مستنيين

الاجازة تيجي عشانها. انا باكلم - [00:06:59](#)

كل واحد بيشتغل اول ما تخلص شغلك اجري على ربنا. اول ما تخلص محاضرتك اجري على ربنا. اول ما تخلص مزاكرتك في السهرة

بالليل يا حبيب قلبي تجري على ربنا - [00:07:19](#)

جئت اليك ربي لترضى. دي الكلمة بتاعة الملهوفين. اللي عاشوا حياتهم ملهوفين عشان يوصلوا لربنا. دي الكلمة بتاعة اللي ما فيش حاجة عطلتهم عن ربنا ابدًا طول حياتهم. كلمة عجلت اليك ربي لترضى نور يا جماعة. نور والله العظيم. نور ينور لنا حياتنا كلها. عشان

كده اللي - [00:07:29](#)

ما فيش حاجة عطلتهم عن ربنا خدوا ايه يموت جليبيب تنزل الحور العين من الجنة الحورية مراته من الجنة تنزل لك في الدنيا.

عشان تزف وروحه طالعة الى السماء عاصم ابن ثابت رضي الله عنه تنزل جنود من عند الله تحمي جثته من الكفار اللي عايزين

يمثلوا بها ولغاية هزه اللحزة ما فيش مخلوق - [00:07:49](#)

يعرف جسة عاصم ابن سابت فين ؟ رضي الله عنه. يموت حنظلة تنزل ملائكة السماء عشان تغسله في الارض. يموت عبدالله ابن

حرام حجاب الكبرياء. حجاب الملك سبحانه وتعالى ينكشف ويرى عبدالله بن حرام الله بلا حجاب. سبحانه وتعالى. يموت سعد بن

معاز - [00:08:11](#)

عرش الرحمن لموت سعد ابن معاذ. شوفوا يا جماعة دا دول ناس ماتوا. الدنيا اتقلبت. دا دول ناس ماتوا. الكون كله اتقلب. يموت

حبيب النجار مؤمن قال ياسين في سورة ياسين قومه يقتلوه ربنا ينتقم منهم باهلاكهم كلهم. انت لما تموت هيحصل ايه في الدنيا -

[00:08:31](#)

طب ومين هيصلي عليك؟ مين اللي هيصلي؟ الشاب يا جماعة الشاب حبيب قلبي اللي كل صاحبه شلة القهوة وشلة النادي وشلة

ساحة الجامعة وشلة الشات وشلة شف مين اللي هيصلي عليه؟ اللي لو وقفت في الشمس شوية المكياج هيسيح من على وشها ولا

اللي بقى له خمس سنين من شلته ما سجدش لله سجدة واحدة وهو اصلا مش - [00:08:50](#)

على طهارة ولا اللي بيبارز ربنا بالمعاصي ليل نهار ولا اللي بيشرب مخدرات كل يوم ولا اللي لسانه واخذ على الكذب والغيبة والنميمة

واكل الحرام لو انت مصاحب صحبة سالحة مين اللي يصلي علي بقى ساعتها؟ الابرار الاطهار اللي يقفوا يشفعوا لربنا على قبر ان هو

يرحمني. اللي الواحد منهم لو اقسم على الله - [00:09:10](#)

هيحصل ايه لما نموت؟ مش يا جماعة اخطر نقطة عايزين نتكلم فيها النهاردة ليه؟ ليه تبقى حياتك كلها مجرد انك انت اتولدت كبرت

عشت اشتغلت اتجوزت خلفت مت ليه حياتك تبقى كده ؟ - [00:09:30](#)

ليه حياتك تضيع؟ ليه تعيش وتموت من غير ما يكرر اسمك في عليين بعمل صالح عملته؟ ليه تعيش وتموت؟ من غير ما اسمك يكرر

في الملأ الاعلى؟ ليه تعيش وتعيش - [00:09:47](#)

وما لكش زكر في السماوات فوق. فيه ملائكة الرحمن. ليه تعيش وتموت دينك ما يخسرش موتك حاجة؟ ليه تعيش وتموت من غير

ما تعمل حاجة في الدنيا يا جماعة مش عايزين دي تبقى حياتنا. احنا عايزين بقى النهاردة ننطلق بقى ونركب صاروخ عابر للسماوات

قلوبنا تفضل منطلقة به لغاية ما توصل - [00:09:57](#)

عرش الرحمن تسجد تحت عرش الرحمن وتقول له يا رب عجلت اليك. ربي لترضى ليس يتحسر اهل الجنة حديس عن الله صلى الله

عليه وسلم. ليس يتحسر اهل الجنة الا على شيء. واحد عارفين هو ايه - [00:10:17](#)

على ساعة مرت عليهم في الدنيا لم يذكروا الله فيها كل ساعة مرت عليك في الدنيا حاجة شغلتنك فيها عن ربنا هتندم عليها يوم

القيامة. كل ساعة مرت عليك في الدنيا حاجة عطلتك فيها - [00:10:33](#)

بعد ربنا هتندم علي يوم القيامة مش عايزين نندم. اومال اللي عاش حياته مشغول عن ربنا. امال اللي منا بقى له عشر سنين مشغول

عن ربنا. امال اللي الدنيا شغلته عن ربنا. والنساء شغلوه عن ربنا - [00:10:50](#)

والمذاكرة زاکر لغاية ما تشغل عن ربنا. نسيت حق ربنا اللي اداك عقلك واداك حياتك واداك دراستك واداك شهادتك. واللي الشهوات فتنته عن ربنا ربنا سبحانه وتعالى وعجلت اليك ربي لترضى. اول نموذج معنا في درس النهاردة طبعاً سيدنا موسى عليه الصلاة والسلام. اللي عاش حياته ملهوفة عن ربنا. سيدنا موسى يا جماعة منطلق الى الله - 00:11:00

سبحانه وتعالى للقاء الله على الجبل ومعه قومه ومراته واهله واخوه اول ما يقترب من مكان لقاء حبيبه ينسى الناس الدنيا ويسببهم ويجري لوحده يجري لوحده عشان يوصل لربنا لوحده. يقول له عجلت اليك ربي لترضى. جاي لك يا رب. يا جماعة في ناس مش - 00:11:22

وقفت مترددة تجري على ربنا ولا لا؟ فيه ناس اول ما لاح نور الطريق الى الله اليها رمت كل حاجة في حياتها وجرت جرت جرت بشوق بقلوبها لو اتوزع على اهل الارض لفاض. وعجلت اليك. ما وقفتش تفكر الدنيا ولا ربنا. نفسي ولا ربنا. عجلت اليك ربي لترضى. هو - 00:11:42

في محبي وله محب لحبيبه بصدق عنده امنية في حياته اكثر من ان حبيبه يرضى عنه. ياه! بس انت ترضى بس انت ترضى يا رب باصبع كل ركعتين باصليهم كل همي راضي يا رب. مع كل صحيفة بتترفع كل اتنين وخميس الى الله كل همي. راضي يا رب - 00:12:02

مع كل طلعة شمس وغروبها. غابت وانت راضي عني يا رب. هو ده كل همي في حياتي. هو ده همنا يا جماعة. انا عايز اقول لك سيدنا موسى اشتاق الى الله لدرجة ايه - 00:12:22

لدرجة ان سيدنا محمد في رؤية في صحيح مسلم رؤية رآها سيدنا محمد. انا والله العزيم لما جيت اقرأها انا كات شعر راسي يقف جات كات قلبي يرتجف. كات جيل - 00:12:32

يقشعر رأى موسى عليه الصلاة والسلام وهو منحدر في طريقه الى الكعبة. وقد اسمع بقى وقد وضع اصبعيه في اذنيه اسمع وله جوار الى الله بالتلبية قفل ودنه عشان ما يسمعش اي مخلوق. وقعد يشار باعلى صوت في قوة حنجرته. لبيك اللهم لبيك. جاي لك يا رب - 00:12:42

مشتاق يا جماعة. يا جماعة في صحيح مسلم رسول الله صلى الله عليه وسلم في رحلة الاسراء مر على قبر موسى فوجده يصلي. بيصلي ليه بس هو نفسه يشوف ربنا اوي. فما دام يا رب لسة مش هاشوفك الوقتي وانا في قبري اصلي بين ايديك لغاية ما يوم القيامة يبجي واشوفك. انا عايز اقول لك سيدنا موسى اشتاق لربنا قد ايه - 00:13:08

سيدنا محمد عليه الصلاة والسلام لما ينشق عنه قبره يوم القيامة يطالع اول حاجة سيدنا محمد يبص لها عرش الله. فاذا بموسى اخذ بقائمة من قوائم العرش سيدنا موسى اول ما انشق عنه قبره جري على اقرب حاجة لربنا العرش على اقرب حاجة في العرش قائمة من قوائم العرش مشهد كله شقوق وكله - 00:13:28

וכלه لهفة. ياه كل سكتة وحركة في حياة سيدنا موسى كانت بتتنطق به عجلت اليك ربي لترضى. طب انت انت المفروض رح صلي الفجر لعلك ترضى. انا اشعارك. هتقعد جلسة الضحى لعلك ترضى. هتروح تكفي الاسرة فقيرة لعلك ترضى. في شغلك هتيسر على الناس. لعلك - 00:13:51

ترضى بتعامل ربنا مش بتعامل الناس. بتعامل ربنا في الفقرا والمساكين والارامل واليتامى لعلك ترضى. لعلك ترضى دي كلمة واحد ملهوف. ملهوف انه يرضي ربنا عجلت اليك. مش اتيت اليك عجلت. اللي بيعجل ده ما بيفكرش هو ساب ايه. ممكن يسبب الدنيا قالبة. ويجري. عجلت اليك يا رب - 00:14:11

ما فكرتش وانا بجري عليك يا رب. انا عايز اكلمكم عن واحدة لهفت قلبها على الله عملت في حياتها ايه؟ انا عايز اكلمكم عن واحدة ما فيش حاجة عطلتها عن - 00:14:31

ربنا حتى حياتها وحياة ولادها. انا عايز اكلمكم عن واحدة كان شعارها في حياتها وعجلت اليك ربي لترضى. هاكلمكم عن ماشطة بنت فرعون ناشطة الكوافيرة اللي كانت بتسرح شعر بنت فرعون. آآ مش كوافير! لأ ده فرعون نفسه كان عنده رجولة. ما كانش جايب

لبنته واحد يصرح لها شعرها. اهي والله العظيم - 00:14:41

يا جماعة فرعون والعياز بالله. ماشطة بنت فرعون بتسرح شعر بنت فرعون فوق المشط وطت جابته وقالت بسم الله فالبنت قالت لها الله ابي عايشينها اصل اهل الباطل يا جماعة عايشينها والله. الله ابي مينا يا بنتي ابي مينا الله يهديك؟ الله ابي. فقالت الله ربي وربك ورب ابيك - 00:15:01

البنت راحت على ابوها قالت له اللي بتسرحي شعري بتقول كذا. جابها على طول فرعون. خدوا بالكم يا جماعة. امرأة ماشطة بنت فرعون كانت فتمن الكلمة اللي قالتها. كانت عارفة ان الكلمة دي تمنها ممكن يكون حياتها وحياة ولادها. ولكن اللي في جوة قلبها مش قادرة تكتمه تجاه الله. فرعون جابها - 00:15:22

من ربك؟ قالت الله ربي وربك. ربي وربك الله. هاتوا صفيح هاتوا زيت مغلي. اغلوا عليه لغاية ما يغلي هاتوها وهاتوها من ربك؟ ربي وربك الله. هاتوا ابنها الكبير. امي الوقتي ابنها يتحط في الزيت المغلي قدام عينها. ابنها يسبح قدام عينها. ام بتشوف ابنها -

00:15:42

ابنها بيمسك في هدموها. انها بيقاوم في الجنود. ابنها بيصرخ وبياخدوه قدام عينها يرموه. ايه السبات ده! ايه اليقين ده! ايه جبال اليقين اللي في قلبها ده ايه اللي كان في قلبها يا جماعة؟ تجاه الله. عشان تستحمل ان ابنها يتعمل فيك كده عشان الله. وهي واقفة صابرة - 00:16:02

هاتوا الثاني يمسك في هدموها يقاوم الجنود يعمل مهما يعمل يموت نفس الموتة قدامها. التالت الرابع. الخامس كم جنين؟ كم كم يمكن يعني يعني لسة مولود في حضنها بترضعه. جم ياخدوه منها مش قادرة تستحمل ان ابنها الرضيع الغلبان ده. اللي لسه لبن صدرها في بوقه. اللي لسه متشق - 00:16:22

في حضنها مش قادرة تستحمل. ان ده يتاخذ من ايديها. فبدأت تضعف هتضعف! ربنا هيسيبها تضعف! ربنا هيسيبها بعد التضحية دي كلها تقع! لا يمكن ابدأ يا جماعة فينطق الله الطفل. ينطق الله ذا الطفل. يا امه اصبري فانك على الحق. الله اكبر - 00:16:42

هاتوها اقتلوها. ربي وربك الله. هاتوا ابنها. ربي وربك الله. الموت في الزيت. ربي وربك الله. هاتوا الثاني. ربي وربك الله التالت

والرابع. طب هاتوا الطفل الرضيع اللي في حضنها. الطفل ينطق ويقول له يا امه اصبري ربي وربك الله - 00:17:02

بتترمي هي وابنها وتدوب عزامها مع عزام ابنها وتدفن هي وابنها هي واولادها الخمسة في قبر واحد عشان يمر رسول الله صلى الله عليه وسلم في الاسراء والمعراج فيشم ريحة طيبة جدا. فيسأل سيدنا جبريل دي ريحة ايه دي؟ فيقول رائحة - 00:17:22

ماشطة بنت فرعون واولادها. الله اكبر! راحت فين الماشطة وراح في الفرعون؟ فرعون يقول جبريل لسيدنا محمد فلو رأيتني يا

محمد وفرعون بيغرق وانا اضع الطين في فمه مخافة ان ينطق اسم الله - 00:17:42

مخافة انه ينطق كلمة لا اله الا الله بيحطوا الطين في بقه. وفرعون هو وبنته الكافرة بيعرضوا على النار كل يوم في القبر. والماشطة هي وولادها المؤمنين في جنة النعيم هو ده الايمان يا جماعة. هي دي التضحية. هي عملت كل ده ليه؟ هي ضحت بولادها ليه؟

عارفين ليه - 00:17:59

بس انت ترضى بس انت ترضى يا رب. انت يا رب لو رضيت اي حاجة ضحي بها يا رب. بس انت ترضى عني يا رب. هاكلكم عن

واحد كان ملهوف لرضا ربنا. سابكم - 00:18:16

ما سابش اي حاجة تعطله عن ربنا. هو ده هدف درس النهاردة. هدف درس النهاردة ان احنا نتعلم ان ما فيش حاجة تعطلنا عن ربنا

ابدا. ابدأ يا جماعة. ما نسمحش لاي - 00:18:28

اي شيه ان هو يعطلنا عن مامولانا وربنا سبحانه وتعالى. هاكلكم عن عبدالله بن حذافة السهمي. مين عبدالله؟ صحابي في عهد

سيدنا عمر بعث جيش للروم كان فيه عبدالله بن حذافة. اتأسر عبدالله بن حذافة - 00:18:38

ملك الروم لما المعركة طالت ومش عارف يعمل ايه بعث. هاتوا لي واحد منهم اكلمه واحد من اسرى المسلمين. صحابي طبعا من

صحابة الرسول ما فيش احسن منه يبجي بقى. جابوه. ملك الروم قيصر - 00:18:52

اتجنن فقيصر عايز عايز ينال اي شيه مش عارف ينال شيه من المسلمين فعائز ينال شيه ده من هذا الاسير. صحابي بقى قال له ارتد عن دينك. واتبع ديني واطلقك هديك حريتك. فقال لا. انت بتتكلم في ايه؟ طب آآ ارتد عن دينك واعطيك نصف ملكي. نصف ملكك يا قيصر - [00:19:02](#)

والله لو اعطيتني ملكك وملك ابائك وملك العرب وملك العجم على ان اترك ديني طرفة عين ما تركته الشباب اللي بيرمي دينه في سهرة حقيرة يرمي دينه ويستهن ويستهن بنزر الله اليه عشان يعصي ربنا سبحانه وتعالى - [00:19:22](#)

البنات اللي بترمي دينها وتستهن بدينها عشان تعصي ربنا عشان متعة فانية. ما رضاش بملك الارض كله طرفة عين بس. ببعد فيها بس اقتلوه ما فيش فايده حطوه وارموا عليه السهام. اقتلونهم هموت شهيد وامر قيصر الهامة انهم يرموا - [00:19:42](#)

حواليه بحيس انهم يربعوه بس. ما فيش فايده. لا لا ده دماغه ناشفة بقى. بصوا بقى احنا نتبع معه سياسة تانية. احبسوه. جوعوه لا مية ولا اكل. وادوا له خمرة - [00:20:02](#)

ولحمة خنزير بعد كده فقال والله اني لاعلم ان لي فيهما رخصة ولكن والله لا اشميت في الاسلام اعداء. الله الشباب اللي شمتوا العدوين فينا العصاة اللي القنوات الفضائية الاباحية اللي شمتت الغرب فينا. الوقتي بوش وهو بيتفرج على قناة فضائية والله ممكن ما يعرف القناة دي غريبة ولا قناة اسلامية - [00:20:12](#)

القناة دي عاملها غرب كفرة ولا عاملها مسلمين. من المعري اللي فيها والعايز بالله. ولا اشميت اعداء الله في دين الاسلام الله! طب وبعدين نعمل معه ايه ده! بصوا بقى فتنة النساء! هو فتنة النساء دي هتجيب من الاخر. دخلوا عليه امرأة فاتنة في الجمال من نساء الروم. تدخل عليه لآ انتم بتتكلموا - [00:20:35](#)

امين يا جماعة فتخرج تقول ادخلتموني على بشر ام على حجر هي انتم حجر انتم ما انتوش شايفين الشهوات اللي حوالكم انتم ما انتم ازاى صامدين قدام الشهوات دول! البنات المنتقة والشباب الملتزم والشباب اللي في وشهم بيقلوا ازاى صامدين صامدين ومهما زادت الفتن صامدين - [00:20:53](#)

والله العزيز مهما زادت. هو احنا مجانيين! هو احنا مجانيين نعرض نفسنا لجهنم ونغضب الله سبحانه وتعالى! طب وبعدين بقى الراجل ده نعمل معه ايه؟ بس اخر حاجة هاتوه نفس طريقة فرعون. الزيت المغلي وهاتوا اسير تاني واقتلوه في زيت النخل ده قدام عينه. يتربع بقى. فلما رأى عبدالله بن حزافة هذا - [00:21:13](#)

الاسير يقتل بهزه الطريق وبكى. بس فرجت. انت بتبكي ليه؟ ابكي لاني كنت انا وهو نتنافس في طاعة الله. وقد مات موتة لن بعدها طب قربوه بقى. طب موتوه نفس الموتة بقى. يقرب فلما يبجي حر النار عليه يبكي. بس فرجت. انت بتبكي ليه؟ ابكي لان ليس لي الا نفس واحدة - [00:21:33](#)

انفقه في سبيل الله. وددت لو ان لي مئة نفس تموت هذه القتلى في سبيل الله. طب وبعدين بقى قيصر خلاص بقى قيصر يا جماعة قيصر ودنية مين وجيوش مين لما كانوا المسلمين بالمنزر ده؟ فتحنا نص العالم في خمسة وعشرين سنة. لما كان الشباب رجالة. لما كنا رجالة عندنا يقين - [00:21:55](#)

لما كان شعار حياتنا عجلت اليك ربي لترضى. مش عجلت الى الشهوات ولا الى الدنيا الفانية. طب وبعدين طب طب يا عبدالله بن حزافة قبل رأسي سبك بوس رأسي لآ بوس راسك مين؟ ابوس راسك بشرط. ايه - [00:22:15](#)

تجيب اسرى المسلمين معي احرار. اصل انا كرامتي اغلى عندي من حياتي اغلى عندي. يعني الكرامة بتاعتي اغلى عندي من حياتي انما مش اغلى عندي من حرية المسلمين. تطلقهم اطلقهم. داس راسه رجع لعمر ابن الخطاب قال سيدنا عمر ايه؟ حق على كل مسلم ان - [00:22:29](#)

تقبل رأس ابن حذافة. انت حق على كل مسلم انه يعمل فيك ايه؟ وانت حق على كل مسلم انه يعمل فيك ايه؟ والبنات المتبرجة في الشرع حق على كل مسلم - [00:22:47](#)

بنعمل فيها ايه؟ واللي بيبارزوا ربنا بالمعاصي حق على كل مسلم انه يعمل فيه ايه؟ عبدالله بن حزافة عمل كده ليه؟ صبر على الجوع

ليه؟ صبر على الفتن والشهوات والنساء ليه؟ عبدالله - 00:22:57

صبر على انه هيقتل ليه؟ عبدالله بن حزافة وقف في وش قيصر ليه؟ بس انت ترضى يا رب هو ده الحاجة اللي صبرت عبدالله بن حزافة يا جماعة لازم نجاهد بقى لازم نجاهد لازم نجاهد قلوبنا لان الشيطان مش هيسيبنا نوصل لربنا الشيطان واقف لنا في الطريق شوفوا الشيطان بيقول - 00:23:07

ايه يبقى قعدنا لهم صراطك المستقيم. هاقعد لهم يا رب. هاقعد لهم هيقتل لك هيدرسك. هيدرس نقاط ضعفك. هيدرس مداخلك. هيدرس الحاجات اللي انت بتتق منها كل مرة كل ما تلتزم ترجع بسببها. هيدرس الحاجات اللي ممكن لو اغراك بها تتق وتضعف. هيدرسك كويس جدا ياخذ لك ماجستير - 00:23:25

ثم يحصل ايه بقى؟ شف اللي بعد كده. ثم لاتيهم من بين ايديهم من قدامهم. ومن خلفهم وعن ايمانهم وعن شمائلهم. هجوم من الشيطان بكل وسائله. زي ما دولة تهجم على دولة تهجم هجوم جوي. بالقنابل من فوق. وبالبنارات الحربية من من المجاري المائية. وبالمشاة - 00:23:46

وبالدبابات وبالرشاشات ايه! عايضة تفنيها! عايضة تفني البلد اللي بتهجم عليها! هو عايض يضيعك! عايض يدمرك! عايض والعياز خلينا معه في جهنم لما يدخل جهنم. يبقى الشيطان عدو خطير ولا لآ؟ عشان كده الشيطان يجري من ابن ادم مجرى الدم، ليه؟ لانه عايض من خلال دمك يوصل لودنك - 00:24:06

يسخر لودنك في سماء الحرام. يوصل لعينك يسخر عينك للنزول للحرام. يوصل للسانك. يسخر لسانك للنطق بالحرام. يوصل لقلبك انك تعشق الحرام. يا ابني حرام بحبها. يا حبيبي حرام. هو الشيطان احتل قلبه. والعياز بالله. عدو خطير يا جماعة. عدو خطير عشان كده ربنا قال والذين - 00:24:26

شاهدوا فينا لانها جهاد. لانه عدو شديد. ولانها معركة حياة او موت. لانها معركة مصير. ولانه طريق. ما ينفعش حد يقطعه علينا انت لو طريق الدنيا حد قطعه عليك مش مشكلة. انما الطريق الى الله لو حد قطعه عليك. يبقى مش هتوصل؟ يبقى مش هتوصلي لربنا! يبقى الطريق بتاعك خلاص انقطع بك الطريق - 00:24:46

يبقى طارق للجنة وقف لآ يا جماعة. يبقى لازم نجاهد يا جماعة. عشان يفضل شعار حياتنا عجلت اليك ربي لترضى. يعني الوقت ويعني انا بالنسبة لي انا بصلي الظهر والعصر جمع لان انا على سفر انما انتم بالنسبة لكم عايزين ناخذ ان شاء الله راحة. يعني يعني تقوموا تصلوا كده العصر الوقتي تسترضوا الله - 00:25:06

بالله عليكم كل واحد هيقوم يصلي العصر الوقتي وانت في كل سجدة قلبي يا رب اهديني. يا جماعة ادعوا قبل الهداية يا جماعة. يا جماعة خلوا كلمة يا رب اهديني دي على لسانكم على طول - 00:25:28

فده اعظم طلب تطلب من الله سبحانه وتعالى. يا رب اهديني يا رب عافني في ديني وعافني في ديني. ويعني الطيب منكم يدعي لي كمان ان ربنا يهديني. يبقى الوقت - 00:25:38

ان شاء الله هناخد فاصل لدقائق نصلي فيها العصر لله رب العالمين. ثم نلتقي مرة اخرى بعد الفاصل. اقول قلبي هذا واستغفر الله لي ولكم الحمد لله وكفى وصلاة وسلاما على عباده الذين اصطفى ثم اما بعد - 00:25:48

فبتكلم عن رضا ربنا. بتكلم ان لازم هدف حياتنا يبقى ان احنا نرضي ربنا طب يا جماعة انا لما بكلمكم عن النماز العالية دي. يعني انا دلوقتي هاكلكم عن واحد سيدنا سلمة من الاكوع. سيدنا سلمة قعد مع الصحابة. جه في معركة من المعارك. جه جاسوس من الكفار - 00:26:34

يتجسس على المسلمين. اتكشف خد خيل وطلع يجري. روي ان الرسول عليه الصلاة والسلام قال من يأتيني به وله الجنة. الجنة الكلمة نزلت في صدر قلب سيدنا سلمة. الجنة جوار الله في الجنة ابقى ما فيش بيني وبين الله الا حجاب الكبرياء على وجه الملك سبحانه وتعالى - 00:26:49

انها الجنة يا سلمة. سيدنا سلمة اول ما سمع الكلمة بس ثلاثة صحابة قاموا يجروا. واحد ركب ناقه وطلع يجري وواحد ركب حمار

وطلع يجري وسيدنا سلمى معهوش حاجة طلع يجري على رجليه. طلع يجري يجري على رجليه. طلع ثلاثة يطلعوا يجروا

يتساب ده الجنة. ده الراجل اللي بيجري ده الوقت اللي هيمسكه كده - [00:27:08](#)

هيبقى دخل الجنة. سيدنا سلمة من كتر سرعته عدى الاولاني عدى اللي راكب على الحمار. فبدأ يتعب مش قادر هيقعد. انها الجنة يا سلامة. الجنة هو طالب الجنة ينام! هو اللي طالب جوار الله سبحانه وتعالى ينام ولا يرتاح! طلع يجري يجري لغاية ما سبق اللي على

الناقة! والراجل الثاني بالحصان منطلق طبعاً منطلق - [00:27:28](#)

ويبعد جدا لغاية ما جت مكان فيه شجرة الراجل المشترك ده قعد خلاص بقى لا يمكن حد يكون بيتابعني دلوقتي انا كده بعدت عنهم جدا. نزل ربط الحصان قعد سيدنا سلمى ما قعدش. ما استريحش. ما داقش راحة لحزة وطلع يجري. انها الجنة يا سلمة. لغاية ما

ابصر الراجل من بعيد انطلق وانقض - [00:27:48](#)

عليه ومسكه تعال يا جنتي. تعال يا جنتي. الله! شوفوا الكلمة الجميلة. تعال يا جنتي. انا عايزك وانت بتبلسي نقابك ونازلة تمسكي النقاب بفرح كده ولهفة وتقولي تعال يا جنتي. انا عايزك وانت جاي تستعمل السواك كده قبل كل صلاة ولا قبل كل وضوء. تعال يا

جنتي - [00:28:08](#)

انا عايزك وانت قايمك بالليل تقومي الليل تمسكي المصحف كده عشان تصلي من المصحف لو انت مش حافظة تعال يا جنتي انا

عايزكم يا جماعة لو شفت اذى في الطريق ولا - [00:28:31](#)

حجر في طريق المسلمين وانت بتشيله تعال يا جنتي ايوه كده يا جماعة. ايوه كان نبقى ملهوفين على رضا الله. يبقى ما فيش حاجة

معطلانا عنه. احنا منطلقين الى الجنة ما - [00:28:41](#)

طالب الجنة لا ينام. لا ينام ابدا. ان تعمل للجنة كانهك تراها. هو ده اللي ما بينامش يا جماعة. طب يعني يعني رضا الله كده يعني الجنة

صعبة يا جماعة ده رضا الله ده سهل اوي. يا جماعة ده حطة خشبة. حطة خشبة السواك. تحطها في بوقك - [00:28:51](#)

الله يرضى عنك. السواك مطهرة للفم مرضاة للرب. اما رضا الله يبجي بحتة خشبة تحطها في بوقك. يبقى رضا الله سهل صعب عشان لما اكلمكم عن نماز عاليه الناس دي من لهفتها عملت كل حاجة. انما ده رضا ربنا والله سهل قوي. اللي ما نالوش رضا ربنا هيندموا

ندم - [00:29:09](#)

يتحسروا حفرة رهيبة يوم القيامة. على ان كان رضا ربنا سهل وهم اللي ما نالوهوش. سيدنا سليمان من العجائب في قصة في في

سورة صاد سورة صاد ركزوا معي في القسم عشان نصلي الليلة بسورة صاد. ان شاء الله. من العجائب في سورة صاد ان ربنا جاب

قصة سليمان وقصة - [00:29:29](#)

ايوب الاتنين ورا بعض يا رب ده سليمان وايوب ما فيش اي علاقة بينهم وبين بعض في الدنيا. سليمان واحد ربنا ادى له من ملك

الدنيا ما لم ولن يؤتاه ملك من العالمين. وايوب واحد فضل تمتاشر سنة مبتلى في ماله. مبتلى في ولاده. مبتلى في - [00:29:47](#)

مريض مرض مقعد مشلول يكاد يكون مشلول. مراته بيتسند عليها عشان يروح الخلاء يدخل الخلاء ويخرج يتسند عليه عشان يرجع

ايه يا رب اللي جاب ده جنب ده عشان ربنا يقول لك اوعى حاجة تعطلك عني. لا غنى ولا فقر. لا صحة ولا مرض - [00:30:09](#)

مهما كانت الزروف سليمان الرخاء ما عطلوش عن ربنا. ايوب الضراء والابتلاء ما عطلوش عن ربنا سبحانه وتعالى يعني ربنا بيقول لك

ان الاتنين دول اللي خدوا اعلى نيشان رباني في القرآن نيشان نعم العبد الاتنين دول ما فيش حاجة عطلتهم عن ربنا سبحانه وتعالى.

شف ربنا بيقول - [00:30:29](#)

سيدنا سليمان ايه شف بقى واسمع بقى في سورة صاد. ووهنا لداوود سليمان. نعم العبد انه اواب. اذ عرض عليه بالعشي الصافنات

الجياد. العشي ده ايه يا جماعة؟ ركز معي. العشي ده المؤمنين الصالحين لهم وقتين - [00:30:49](#)

اذكري الله ويسبح الله فيهم. الغدو والعشي. الغدو من اول الفجر لغاية ما الشمس تطلع اللي هو جلسة الضحى والعشي من العصر او

بعد العصر بشوية لغاية ما الشمس تغيب. سيدنا سليمان جلسة الضحى دي المفروض ما فيش مؤمن يسيبها. الا لو وراه حاجة اعلم

انها بقى في الدين. انما جلسة الضحى ازاى نسيبها - [00:31:06](#)

سيدنا سليمان قاعد بالعشي يذكر ويسبح عرض عليه الصافنات الجياد. الصافنات الخيل. الله! الجميلة رجليها جميلة. وبتترقص
برجليها ترفع رجل وتقف على الباقي خلق تحفة في الجمال. الجياد اللي رقبته جميلة قوي كده ورقبتها نازلة على الصدر بتاعها.
تخيل تحفة وعرض عليه الصافنات - [00:31:26](#)

الجهاد يروى في ابن كثير انهم كانوا عشرين الف خيل. تخيل انت واقف كده يعرض عليك عشرين الف عربية مرسيدس مسلا ولا بي
ام ولا احس عربيات. او يعرض عليك عشرين الف برج. برج كده كلهم شقق فاضية بقى تملك بتاعتك يتخيل - [00:31:46](#)
كده سيدنا سليمان بص للمنزر كده فبص زل يبوس المنزر لغاية ما شغل عن ذكر الله فجأة لقي الشمس غابت. ايه ده! ايه ده اني
احببت حب الخير عن ذكر ربي حتى توارت بالحجاب. انا حاجة تعطلني عن زكرك يا رب - [00:32:03](#)

انا حاجة تنسيني زكرك يا رب. انا الدنيا تشغلني عنك يا رب. ردوها علي. هاتوها لي تاني. ردوها هاتوها. هاتوها ده اجمل في الدنيا
هاتوها. ده عشرين الف خيل هاتوها. فطقق مسحاً بالسوق والاعناق. دبحها. دبحها! ليه؟ عشان - [00:32:21](#)
يعلمنا عشان نتعلم ان ما فيش اي حاجة تعطلك عن ربنا. اوعى تسيب اي حاجة تقف في الطريق بينك وبين ربنا اوعى. اوعي يا
اختي. اوعي يا اوعي يا امي اوعي اوعي يا حبيبة قلبي يا صغيرة اللي قاعدة تتفرجي. اوعوا حاجة تعطلكم عن ربنا سبحانه وتعالى.
ابدا. اي حاجة تعطلك عن طريق ربنا تتنسف من الطريق يا جماعة - [00:32:41](#)

يا جماعة يعني هو سيدنا سليمان عمل حاجة عالية قوي انا عارف ان احنا مش قدها. انا عارف كده هي عاملة زي واحد بيبني برج
كبير الادان ادن فراح يصلي يعني ايه اتشغل شوية في البنا راح يصلي لقي الركعة الاولى فاتته. رجع هد البرج. الموضوع كبير -
[00:33:01](#)

انما سيدنا سليمان ما سابش المباح يعطله عن ربنا. انا عايز الحرام ما يعطلناش عن ربنا. يعني انما الحرام لأ الحرام ما يعطلناش عن
الله اوعى اوعى اوعى اي حاجة تعطلك عن ربنا. مهما كانت ملك الدنيا. ولا ولا كنوز دنيا ولا فتن دنيا ولا اجمل واحدة في العالم ولا
احلى - [00:33:17](#)

احسن شاب في العالم ولا متع دنيا اوعوا يا جماعة يا جماعة احنا دبحنا الدنيا عشان الامتحانات احنا قاطعنا المباريات عشان
الامتحانات. قاطعنا صحابنا عشان الامتحانات. احنا قفلنا بيوتنا علينا عشان الامتحانات. كل ده عملناه عشان الامتحانات؟ ايوة والله
العظيم. طب - [00:33:37](#)

عشان ربنا طب عشان ربنا سبحانه وتعالى نعمل ايه يا جماعة؟ عشان ربنا سبحانه وتعالى. فتخيل معي كده. تخيل معي النماز
العالية دي سيدنا حنظلة في صحيح مسلم من حديث - [00:33:54](#)
حنظلة الاسيدي سيدنا حنظلة سيدنا ابو بكر الصديق ماشي في الشارع لقي واحد واقف في الشارع. مين ده حنظلة! ما لك يا حنظلة!
نافق حنظلة! نافق حنظلة! ايه يا حنظلة! نفقة - [00:34:05](#)

ليه يعني سيدنا حنظلة يا جماعة اللي بيقول نفق حنظلة ده في صحيح مسلم كان من كتاب رسول الله كان كاتب من كتاب الوحي
كان من اعظم الناس اللي بتخدم دين الله وبيقول نفق حنظلة. واحنا عملنا ايه للدين ومش حاسين بحاجة. سيدنا ابو بكر بيقول له
نفقت ليه؟ انا نكون عند رسول الله - [00:34:17](#)

يحدثنا عن الجنة والنار. فكان رأي عين. فاذا رجعنا الى بيوتنا وعفسنا الازواج والازواج والاولاد والضيعات ذهب اما ما نجد سيدنا
حنظلة عايز قلبه يبقى اربعة وعشرين ساعة مع ربنا. سيدنا حنظلة عايز قلبه ما يغيبش لحزة عن ربنا ابدًا يا جماعة. شايفين سيدنا
حنظلة عايز ايه؟ سيدنا ابو بكر - [00:34:37](#)

ابو بكر الصديق بدل ما يقول له طب معلش يا حنظلة قال له انا لنجد ما تجد. طب وبعدين حد منكم الوقتي لما سمع شكوى حنظلة
قال اني لاجد ما يجد؟ اي والله انا - [00:34:59](#)
نفسي قلبي ما يغيبش عن الاحساس بعظمة الله ابدًا. انا نفسي قلبي يبقى فوق فوق على طول ما ينزلش ابدًا للدنيا. انا نفسي في
كده. انا لنجد ما تجد. طب وبعدين؟ نروح - [00:35:09](#)

احنا ننام ساعتين وبعد كده نرجع لرسول الله نتغدى بس ونريح كده. هلم بنا الى رسول الله. يا جماعة لو حصل مشكلة في الدين الدنيا تقف يا جماعة لو حصلت مشكلة في علاقتك بالله الدنيا تقف. يا اخي لو حصلت مشكلة في دينك في قلبك في عقيدتك. في علاقتك بالملك لأ دي اخطر حاجة في - [00:35:19](#)

حياتك هلم بنا الى رسول الله اكل ايه ودنيا ايه وولاد ايه وزوجة ايه وتجارة ايه هلم بنا الى رسول الله. راحوا للرسول سيدنا حنظلة يا رسول الله يا رسول - [00:35:37](#)

الله يشتكي للرسول يقول له اللي هو بيجمده من قلبه. فيقول له رسول الله عليه الصلاة والسلام. يا حنظلة لو انكم تدومون كما تكونون عندي وفي الذكر. لو قعدتم تذكروا - [00:35:47](#)

اربعة وعشرين ساعة لصفحتكم الملائكة على فروشكم وفي طرقكم. ولكن يا حنظلة ساعة وساعة ساعة وسعة. طب يا جماعة ساعة وثلاثة وعشرين ساعة. ساعة لربنا في اليوم. ربنا له ساعة في يومك لازم تديها له. ساعة تقف بين ايديه في قيام ليل - [00:35:57](#)
تحضر درس ولا تسمع شروط ديني ولا تقعد تصلي وتتوضى وتقعد تصلي صلاة ربنا له ساعة في يومك. لازم تقدمها لله. ادي نموزج من سيدنا حنظلة سيدة حارسة حارسة ابن سراقه. سيدنا حارثة خرج مع الرسول عليه الصلاة والسلام في غزوة بدر. كان له ام يا جماعة وكانت امه بتحبه وكان بيحب امه. وكانت امه نفسها انه حارسها يتجوز - [00:36:18](#)

وتشوف عياله وتشيل عياله. لما جت غزوة بدر حارسها عايز يخرج امه مش عايزة تستمتع به. يقعد يبوس ايديها ويبوس رجليها لغاية ما يخرج مع النبي عليه الصلاة والسلام مش عايز حاجة تعطله عن ربنا ابدًا. ابدًا. يخرج مع النبي يستشهد في غزوة احد. في غزوة بدر - [00:36:38](#)

يرجع الجيش وهو راجع من بدر. الزوجات كلهم واقفين مستنيين زوجهم. والاطفال كلهم مستنيين اباؤهم. والامهات كلهم مستنيين ولادهم. كلهم واقفين على باب المدينة. كلهم واقفين الجيش بقى عشان كل واحد يفرح بحبيبه وقريبه وهو راجع له. ام حنظلة ده شايقة الابن ده بيرجع لأمه وده بيرجع لمراته وده بيرجع لولاده - [00:36:55](#)

وده وابنها ما بيجيش تسأل عنه ابنك استشهد. ابنك قتل. تروح لرسول الله صلى الله عليه وسلم. يا رسول الله ابني في الجنة فاصبر. ام الاخرى ولا في النار فوالله لان كانت الاخرى ليرين الله ما اصنع من البكاء والعيول - [00:37:15](#)

فقال لها رسول الله صلى الله عليه وسلم يا ام حارثة اجنة واحدة؟ يا جماعة انتم فاكرينها ايه؟ جن ايه بس يا جماعة اجنة واحدة فانها جنان وان ابنك اصاب الفردوس الاعلى. الله اكبر! الله اكبر! عشان ما فيش حاجة عطلته - [00:37:32](#)

قال ربنا اصاب الفردوس الاعلى. امه تفضل تعبد ربنا لغاية ما يأتيها ملك الموت عشان تلقى ابنها عشان تلقى ابنها رضي الله عنه في الاخرة. يبقى اذا يا جماعة دي نمازج نمازج ناس كانت ملهوفة انها توصل. نمازج ناس ما سابتش حاجة تعطلها. نمازج ناس هو حنظلهما ضحى مستعد يضحى - [00:37:52](#)

ليه ؟ بس انت ترضى. هو يا جماعة حارسة راح ضحى بعمره ليه ؟ بس انت ترضى. هو يا جماعة الصحابة ضحوا بكل لقمة فيه ليه ؟ بس انت ترضى - [00:38:13](#)

هو سلمة طلع يجري سلمة من الكوع ونفسه كان هيتقطع ليه ؟ بس انت ترضى لعلك ترضى. هو ده الاحساس اللي في قلبك اللي مسيطر عليك اللي انت ماشي في حياتك نفسك ما نفسكش يا اخي بالله عليك ما نفسكش تنام بالليل كده مرة تحس ان ربنا راضي عنك وتحس انك بتشوف رؤى دلالة على ان ربنا - [00:38:23](#)

راضي عنك رؤى جميلة ربنا ببشرك بها. ما نفسكش انك يوم ما تلقيه كده في الاخرة تلاقيه راضي عنك. ما نفسكش تعيشوا وانتم حاسين. اخطر عقوبة يعاقب بها العاصي انه ماشي في الدنيا وحاسس ان ربنا مش راضي عنه. والله يا جماعة. واللي ما بيقومش الليل. والله يا جماعة واللي ما بيصومش. واللي ما بيزكرش الله - [00:38:43](#)

هو ربنا يرضى عنك لما تكثر بقى. لما تسترضيه بالنوافل. ده انتم بتعاملوا رب بيعاملكم ويبجزيككم على الشبر. من تقرب هي شبرا تقربت منه ذراعا. شبر فيه ملك يكافئ ويعطي ويمنح ويهب. اللي بيتقرب لها - [00:39:03](#)

خطوة بس بس لمجرد الواحد لما قرب شبر كده عشان عايز يقرب من الملك هو ده ربنا هو ده مولانا سبحانه وتعالى. ياه عجلت اليك ربي لترضى. ابو زر طالع في غزوة تبوك الحمار بتاعه بدأ يعا صلج منه وساب الحمار وطلع يجري في الصحراء. ما فيش حاجة تعطله. احد الصحابة كان - [00:39:23](#)

في غزوة من الغزوات ايديه المشركين قطعوها له. ما عدش فيه ايده مربوطه بجسمه غير بحتة جلدة. فيجي يحارب ايده قاعدة تخبط بقى خلاص ايده خلاص اتقطعت اتقطعت. بس مدايقاه. اتك على ايديه برجله قطع ايده. عشان ما فيش حاجة تعطله عن الجهاد. لعلك ترضى - [00:39:43](#)

بس انت ترضى يا رب بس انت ترضى. اي حاجة بتفقد في الطريق وانا رايح لك ما تهمنيش ولا ببص لها. ولا بشوف انا ضحيت بايه. انا كل املي بس ان انا في الآخر - [00:40:03](#)

وانت راضي عني. انا كل املي في الآخر ان انا القاك وانت راضي عني. انا كل املي في الاخرة انك انت تقربني منك. انك انت تخليني في جوارك. زي ما امرأة - [00:40:13](#)

كده قالت رب ابن لي عندك بيتا في الجنة. قبل ما تقول بيت في الجنة قالت عندك. عايز ابقى عندك يا رب. عايز ابقى معك يا رب. امرأة فرعون اللي كانت مرات اعظم ملك في الدنيا. اللي كانت مرات اكبر ملك في الدنيا. اللي كان قدامها نعيم الدنيا كله. انا مش عاوزة نعيم. انا عاوزك انت يا رب. انا مش عايزة قصور - [00:40:23](#)

انا عايزاك انت يا رب وكان التمن ان الخدم اللي كانوا بيقبلوا رجليها امبارح هم اللي بيعزبوها النهاردة. طب وعملت ايه لما بتعزب ؟ بقت بتتعذب وتتجلد ومتقيدة وفرعون بيأمر ان هي تعذب اشد العذاب. وهي قلبها مش معوم خالص. قلبها مع الله وبتصرخ في - [00:40:44](#)

بالله بتتهتف بالله رب ابن لي عندك بيتا في الجنة. انا عايز اجي عندك بقى يا رب. انا خلاص انا انا اشتقت اليك يا رب انا عجلت اليك يا رب لترضى يا رب. ما عدتش عايزة حاجة من الدنيا يا رب. نمازج ورا نمازج ورا نمازج. ابو سلمة - [00:41:04](#)
خارج مع مراته خارج مع ام سلمة عشان يهاجروا اول بيت هاجر في سبيل الله. متخيل! ومعهم ابنهم سلمة. خارجين الثلاثة يهاجروا عرفم جم جري قومه عرفوا جم جري. انتم رايحين فين؟ رايحين نهاجر. قاموا قومها قالوا انت عايز تهاجر هاجر. انت حر. انما دي بنتنا. دي بنتنا انت واخدها ورايح - [00:41:23](#)

هات بنتنا غصب عنك. خدوا بنتهم وعلى ايدها الابن بتاعها. سلم ابنهم. قومه وغيره. انتم طب انتم خدوا بنتكم انتم احرار تاخدوا بنتكم زي ما انتم عايزين انما ابنا اللي على ايديها ده ابننا ومن صلبننا. خدوا ابن ابو سلمة وابن ام سلمة وقاموا واخدين. يبقى دول خدوا مراته ودول خدوا - [00:41:43](#)

وهو وقف لوحده. طب يعمل ايه؟ طب يرجع ويأخذ مراته ابنه ولا ينطلق ويسيب مراته في حطة وابنه في حطة الاسرة اتمزقت يا جماعة. الاسرة في لحزة اتقطعت ثلاث ابو سلمة ابت غلبات شوقه الا ان ينطلق الى الله. ابت غلبات شوقه. مراتي بحبها وابني بحبه انما ربنا لا لا لا ربنا اغلى عندي - [00:42:03](#)

اي حاجة مراته خدوها قومها وابنه خدوه قومه وانطلق ابو سلمة مهاجر الى الله. سبحانه وتعالى لحد ما مرت سنة وربنا سبحانه على فرج كربه ولكن ما فيش اي حاجة ابدأ عطلته عن الله. بعده جه صهيب بيهاجر. صهيب طالع يهاجر قريش سمعت. اجروا هاتوا صهيب - [00:42:23](#)

طالع فين؟ رايح اهاجر الى الله ورسوله. رايح تهاجر بعد ما تاجرت عندنا وكسبت اموال وراه اموال؟ يعني انتم اللي مانعكم ان انا كسبت ما لكم؟ من ما لكم؟ طيب انا مالي كله خدود وسيبوني هاجر الى الله. الله اكبر! ساب ماله كله - [00:42:43](#)

سمحتش ان ما له يعطله عن ربنا سبحانه وتعالى. سبت ملك ليه يا صهيب بس انت ترضى بس انت ترضى يا رب. يا حلم ملا قلوب على مين يا جماعة؟ حلم ملئ قلوب الصالحين. حلم ملئ قلوب اولياء الله سبحانه وتعالى. ان ربنا يرضى. سيدنا ايوب. سيدنا ايوب عليه الصلاة والسلام - [00:43:01](#)

في سورة صاد اللي احنا بنتكلم عنها اللي انا نفسي يعني ايه اجي وارجع في سورة صاد. انا نفسي انكم تصلوا الليلة بسورة صاد. انا نفسي انكم تجربوا روائع المعاني اللي في سورة صاد - [00:43:21](#)

سيدنا ايوب عليه الصلاة والسلام الرسول عليه الصلاة والسلام يقول في صحيح ابن حبان مكث ايوب في بلائه ثماني عشرة سنة. تمتناشر سنة! تمتناشر سنة مريض قعيد وحيد اولاده راحوا منه وامواله راحت منه وقصوره بعد ما كان غني جدا راحت منه. فرفضه القريب والبعيد. كل الناس سابته - [00:43:31](#)

ايوب يا جماعة في كلمة لما تقرأ في التفاسير آآ في سورة صاد قالها. تلاقي المفسرين واقفين محتارين جدا. ازاى النبي يقول الكلمة دي! واذكر عبدنا ايوب اذ نادى ربه اسمع اني مسني الشيطان بنصب وعذاب. المفسرين قالوا ازاى؟ ازاى - [00:43:51](#) بيقول بنصب وعذاب. بيقول يا رب انا تعبان يا رب. انا باتعزب يا رب. انا مش قادر استحمل يا رب. انا ما عدتش قادر يا رب بيقول لربنا انا ما عدتش قادر يا رب. النبي يقول لربنا كده يا جماعة سيدنا ايوب ما قالش لربنا كده بسبب مرضه. ما هو بقاله تمتناشر -

[00:44:11](#)

سنة مريض امال ما قالش كده قبل كده ليه؟ امال ايه اللي حصل النهاردة؟ فيه حاجة حصلت النهاردة خلت سيدنا ايوب يجار الى الله ويقول له مش قادر استحمل يا رب - [00:44:31](#)

انا استحملت السنين اللي فاتت دي. انما اللي حصل ده ما اقدرش استحملة. خلت سيدنا ايوب يقول لمراته والله لو ربنا رد لي صحتي لما يشفيني وانا واسق انه يشفيني. هاجلدك - [00:44:41](#)

ايه اللي حصل؟ ايه اللي حصل يا جماعة؟ اللي حصل ان سيدنا ايوب عليه الصلاة والسلام سمع ان الناس بدأت تسيء الزن في الله بسبب مرضه. وبدأوا يقولوا هو ربنا بيتلى ايوب ليه؟ هو البلاء ده كله ليه؟ هو اللي يمشي في سكة ربنا هيحصل له كل ده ولا ايه؟ هو - [00:44:51](#)

طريق ربنا مليون بلاء ولا سيدنا لآ انا تمتناشر سنة صبرت على المرض انما ما صبرش على كلمة تتقال عليك يا رب. الجبل اللي فضل تمتناشر سنة زلازل ان الابتلاء ما تهزوش انهار في لحزة لما سمع كلمة عن الله. سيدنا ايوب كل حاجة هانت عليه الا الله. فقد اولاده وفقد - [00:45:08](#)

والشلل والم المرض والفقر كل ده هان عليه. الا الله وانت وانت وصلنا لنهاية الحلقة الوقتي وصلنا للمرحلة اللي انا عايزه دلوقتي نقعد بقى نتحاسب فيها. انا وانت يا جماعة. انا وانت وانت. احنا فعلا ربنا غالي عندنا. ولو ربنا غالي عندنا. بنستهين به ونعصيه في السر ليه؟ ونجعله اهون - [00:45:28](#)

الينا. والشاب اللي بيتفرج على حفلة في الدش ويعلم ان ربنا سامعه وسامحهم وشايفهم. والشاب اللي بيكلم بنت في التليفون. ويعلم ان ربنا سامعه وسامحها وشايفه ومطلع على قلبه وقلبها. بنستهين بنزر الله ليه؟ فين يا جماعة؟ فين اقبالنا على الله؟ ولفيتنا على الله. واللي بياكل حرام. واللي والفقرا والمساكين - [00:45:46](#)

دول ولا في دماغهم؟ هنوصل مع ربنا لفين يا جماعة؟ اخر فقرة قبل فقرة الدعاء الفقرة الفقرة دي يا جماعة دقيقة ولكن الكلام اللي انا بقوله دلوقتي ده ما هواش كلام كده ايه يعني كلام اللي بيبجي على دماغي بقول له لآ انا عايز الاجازة الجاية دي سواء لي في التعليم او او اللي خلص او اللي ما خلصش - [00:46:06](#) او الام او الاب. الاجازة الجاية دي يبقى شعرنا فيها عجلت اليك ربي لترضى. وكل اجازة في حياتنا. انا عايز نعجل الى الله بقى في الاجازة. انا عايز نعمل ايه - [00:46:27](#)

اول حاجة في الاجازة دي احفظ معي احفظي معي. حفظ القرآن. تنزل تشوف جامع جنبك عامل مشروع تحفيظ قرآن. انت وانت وتنزلوا تحفzوا طب انا ولادي صغيرين والمسجد اللي جنبنا ما فيش فيه هات محفز منزلي. ادفعي زي ما دفعتموا في الدروس الخصوصية. انقزوا اخرة ولادكم وادفعوا لهم - [00:46:37](#)

زي ما بتحاولوا تنقزوا دنيتهم. حفز القرآن ده صفحة القرآن الواحدة. قرايتها بحوالي ست الاف حسنة. عدوا الحروف حفظها مش

ممكن تحفز الاية وتراجعها اقل من عشرين مرة يبقى مية وعشرين الف حسنة في في الصفحة الواحدة. ده حفز القرآن ده صفقة خطيرة مع الله. رقم اثنين يا جماعة حضور الدروس وسماع الشرايط - [00:46:57](#)

احضروا دروس والصباح شرايط. لازم تحضر دروس. لازم تأوي الى الله في الدروس. شف الدروس اللي في بلدك اللي في مكانك. اللي في قريبتك. اللي في مدينتك. اللي في محافظتك. انزل احضر. انزل - [00:47:19](#)

للمسجد وقل له يا رب عجلت اليك رب لترضى. لازم مرتين ثلاثة في الاسبوع تنزل تحضر دروس. سواء انت في اي محافظة في اي مدينة يبقى ازا يا جماعة حضور الدور. سماع الشرايط - [00:47:29](#)

نسمع شروط كل يوم تسمع ساعة بقى تدخل كده زي العربية اما تدخل في البنزينة تتمون تتشحن تطلع تنطلق بقى. يبقى دي حاجات لازم نهتم بها لازم نهتم بها معه كثرة الدعاء يا رب اهديني. حاجات لازم حياتنا تتملى بها يا جماعة. لازم نحضر دروس. لازم نسمع شرايط. لازم نحفظ قرآن. لازم - [00:47:39](#)

كلمة يا رب اهديني تكون على لساننا دائما. يعني احنا وصلنا الوقتي لخطر فقرة في الدرس بتاع النهاردة تسعة وخمسين دقيقة بتتكلم واخر دقيقة جاي تقول اخطر فقرة والله العزيم قسما بربي اخطر فترة كل اللي فاتت تسعة وخمسين دقيقة ده ده حاجة كلام ممكن يدخل مية ويخرج منين - [00:47:59](#)

ممكن واحد قلبه ما يستقرش في كلمة منه. ممكن يأسر فيك ساعتين وبعد كده تلاقي نفسك نمتي. ممكن ممكن انما الفقرة دي دي اللي لو كلمة منها استجيب خلاص ولا الف درس يأسروا نفس التأسير اللي هتأسر فيه. فقرة الدعاء ندعي نرفع ايدينا. قلوبنا تستحضر جلال الله. ارفعي ايديك وارفعي ايديك. غمض عينك - [00:48:19](#)

استغيسوا بالله. اللهم اهدنا وارض عنا. اللهم اهدنا وارض عنا. ويا مغيثنا ويا مقصدنا ويا جارنا وصاحبنا في طريقنا اليك. اللهم يا كنزنا ويا حصننا ويا خالقنا ويا رازقنا. اهدنا يا رب. اهد قلوبنا يا رب - [00:48:39](#)

اجعل في قلوبنا نورا وفي اسماعنا نورا وفي ابصارنا نورا. وفي السنتنا نورا. نور طريقنا اليك. طهر قلوبنا يا رب زكي يا رب اقمنا على مرادك منا يا رب. تب علينا توبة ترضى بها عنا. تب علينا توبة ترضيك. تب علينا توبة نصوحة - [00:48:59](#)

لا تحرمنا من عمل الصالحات ليلا ونهارا. سرا وجهارا. املاً حياتنا بطاعتك. استعملنا لنصرة دينك في الارض عملنا لرفع راية الاسلام في الارض استعملنا في الدعوة اليك علمنا ديننا. يا رب جهلاء نطلب ان تعلمنا ديننا فعلما ديننا - [00:49:19](#)

علمنا ديننا يا رب زدنا علما. رب اشرح لنا الصدور ويسر لنا الامور. اللهم نجح اخواننا وابنائنا الطلاب يا رب العالمين. يا رب اللهم الطف بهم. اللهم انزل السكينة على قلوبهم. اللهم نجح كل الطلبة يا رب العالمين. بفضلك الواسع يا رب العالمين. اللهم ارزقهم النجاح في الدنيا والاخرة - [00:49:39](#)

وانزل هدايتك على اهل مصر وعلى شباب مصر وعلى فتيات مصر برحمتك يا ارحم الراحمين. سبحانك اللهم وبحمدك اشهد ان لا اله الا انت استغفرك واتوب اليك وجزاكم الله خيرا - [00:49:59](#)